





四家詩餘

每部價
銀叁錢

陳散木含影詞

陳其年烏絲詞

董文友蓉渡詞

董蒼水玉鳧詞

留松閣藏板



四家詩餘序



士君子所以顯當時垂後世者
得志則文章見用於上施之朝
廷復三代之典冊不得志則綜
述六經諸子百家發為譏著以
傳於無窮未聞僅以綺麗靡曼

四庫全書
詩經卷之二
之音爭奇於單詞隻字如所傳
之詩餘者也詩餘自李太白偶
爲之溫韋諸人繼述之宋人推
廣之前此無有也至於元風氣
日衰遂流爲曲夫聲音之道上
自雅頌以至漢魏六朝唐人樂

府諸篇皆所以被管絃奏朝廟
者也若宋之詞下矣元之曲愈
下矣大雅之士思起而振之古
樂旣已失傳世俗沿習之曲荒
穢雜亂不能遽革求其稍爲近
古不悖於聲音之道者於詩餘

其有取乎白岳孫子無言家貧
好學凡海內能文者莫不與孫
子游偶以餘閒爲詩餘之選初
集三家繼廣六家四方傳之矣
今復彙二陳二董之詞爲四家
合前集以行屬余爲序因取四

家之詞而讀之又取前六家之
詞而共讀之反復歌吟凡五六
日大抵皆工於言情者也抑善
於寫怨者也始讀之而喜再讀
之而嘆以數公之才使其得志
行道賡和於清廟明堂之上力

四家詩傳月三
追雅頌無難也乃或以小故坐
廢或猶困抑未伸其一二馳驟
於功名者尚在閒曹未獲大用
是今之編詞於斯者皆有其具
而未得行其道者之爲之也不
可惜哉然數公之詩歌古文久

爲天下所傳誦有以知其言之
必用而卽此一藝之精已足合
乎聲音振乎流俗聞聲相感者
好色而不流於淫怨誹而不傷
於亂雖與樂府並傳可也然則
孫子搜輯之功又可沒乎哉

康熙戊申中秋石帆山人汪懋
麟蛟門氏題於見山樓



四家詩餘序

余始集三家詞又廣以六家寓內既傳誦矣因
更蒐羅若波斯之購寶貪獲有加得兩陳子兩
董子詞合而刻之四君夙有才名非以詞也
而才之餘寄于詞是非詩之餘而才之餘也比
之于味初集則禁嚮也既則五侯鯖也今乃大
庖既盈百牢具獻也鐘鼓爰陳歌舞肆列饗以

樂之味有同者不必指而品之曰某山珍也某
海錯也然煎熬膳炙而進之使嘉賓飫焉則余
其易牙也夫笑而質諸者異味者

康熙戊申十月既望黃岳山人孫默題於廣陵
之半瓢居



含影詞

含影詞序

慈湖孫金礪介夫撰

語言文字之所發恒本乎其人之性情嘗
持此以取友百不失一今讀吾友陳子散
木含影詞而竊有怪焉散木素狷介不爲
苟容落落寡合與同好堅則金石意所不
屬望望然去之性嗜飲善治觴政生平博

覽強記每與座客會隸事肆應不竭健辯
論遇客或不合抗首立柱之不少遷隨或
憾焉散木聞而曰我之所嫉怒我固然卽
爾見喜正復何益予嘗述其言其舉于鄉
也方弱冠當是時士子以科名爲貴競以
得失相重輕散木才勇氣銳得此又蚤盛
自期待岸然不與庸俗接其慕之而不獲

從與游者多怨恨散木絕不爲意旣屢困
公車又顛連大故不得已而筮仕得保定
之新安令終以不肯折腰解組歸益獨行
其意託興于詩詞雅好游名山水之所在
淹畱至忘歲月家人生產不問也夫以孤
騫簡傲之性而爲填詞則妍越斌媚淫放
蕩逸如冶容靚粧目遇心搖使予初未交

其人而遽讀其詞謂出自風流年少無疑也皮日休常怪宋廣平之爲人謂其鐵心石腸而爲梅花賦則清便艷發類南朝徐庾體仿之而作桃花賦穠麗纖巧亦極其致東坡序沈太守牡丹記則云公自耆老重德而予又方恣迂濶其于此書無乃皆非其人以予觀于散木亦云然哉梓成屬

序于予予曰散木之詞不待予文而傳也然千載而下讀其詞而觀予斯文以想見其爲人則其人之性情非予莫之傳也然茲刻也爲家桴菴董其役以傳于世則桴菴表彰之功謂又可沒也哉

含影詞目次

小令

閒中好 一首

夢江口 一首

南鄉子 第二體 一首

西溪子 一首

如夢令 六首

天仙子 第一體 一首

定西番 一首

長相思 一首

相見懽 一首

思帝鄉 第三體 二首

醉太平 一首

胡蝶兒 一首

昭君怨 一首

女冠子 第一體 一首

點絳脣 一首

浣溪紗 九首

戀情深 一首

歸國遙 一首

巫山一段雲 一首

減字木蘭花 四首

菩薩蠻 八首

訴衷情 第四體 一首

謁金門 二首

好事近 二首

更漏子 一首

憶秦娥 五首

清平樂 三首

阮郎歸 一首

三字令 一首

眼兒媚 一首

柳梢青 一首

荷葉杯 第三體 一首

西江月 二首

少年遊 第三體 一首

河傳 第一體 一首

河傳 第二體 一首

雨中花 第二體 一首

探春令 一首

木蘭花 一首

怨王孫 一首

賣花聲 二首

臨江仙 第一體 一首

河傳 第九體 二首

河傳 第十二體 一首

鵲橋仙 一首

虞美人 二首

南鄉子 第四體 三首

春去也 一首

醉落魄 一首

小重山 一首

踏莎行 四首

中調

鵲踏枝 八首

漁家傲 二首

醉春風 二首

天仙子 第二體 一首

千秋歲 第二體 一首

隔簾聽 一首

剔銀燈 一首

千秋歲 第三體 一首

踏青游 一首

八六子 一首

長調

意難忘 一首

滿江紅 四首

燭影搖紅 一首

天香 一首

夏初臨 二首

念奴嬌 十七首

解語花 一首

木蘭花慢 第三體 一首

霓裳中序第一 一首

瑤花 一首

二郎神 一首

解連環 一首

一萼紅 一首

內家嬌 三首

沁園春 八首

春風裊娜 一首

白苧 一首

蘭陵王 一首

大酺 一首

多麗 一首

稍遍 一首

白共八十二調一百六十一首

含影詞

卷上

通州陳世祥散木誤

新城王士祿西樵

評

江都宗元鼎梅岑

休寧孫 默無言較

小令

閒中好

還書

書空寄閣著不開封添上儂邊淚還君訝不同

王西樵云命意雋造語復極自然小調能品

夢江口 卽單調望江南

春盡

春去罷因甚却關情最是柳絲長不了何來燕子語偏明怕要下堦行

弟其年云不情不緒中故是深情幽緒

南鄉子 第二體

倦

重門深閉細草如煙煙滿砌日長睡起獨凭闌看鴛鴦

雙雙飛去又飛還

曹顧菴云閒遠

西溪子

不至

畱得莫雲千葉葉葉都成愁結倚高樓山凝碧人獨立待不思量又憶憶成癡月明知

宋荔裳云小調工于發端便轉旋有致

如夢令

莫春

聽說莫春來到不忍見花成草欹枕問巫山又被鶯聲
喚覺黃鳥黃鳥有箇人兒煩惱

鄒程邨云此調疊語最難推易安知否
知否第一彼用實此用虛工力相敵

王阮亭云見花成
草是前人未及

睡醒

誰道客愁蕭屑偏有梅花交接意味恁幽清投向詩魂
安貼奇絕奇絕又是月光如雪

王西樵云咏梅詞
反難得此幽靚

昨日

花朵朵如人淚一盞酒來竟醉
揅醉不教醒看好時光
都廢無味無味滑是一團疑謎

王西樵云自言自語
此際苦索解人不得

席上有贈

聽徹玉簫聲裏字字雨雲旖旎醉眼艷曾波散作坐間
霞綺倦矣倦矣好向人懷便倚

宗梅岑云好向人懷便倚
想見酒蕩襟懷駮駮時

客中

纔看桂花黃絮待趁晚潮歸去真正沒來繇便把冬春

發付還住還住。又是紫薇一樹。

范汝受云以草木叙時令其法本于國風

次梅木山夜坐韻

鉤月刺開雲空。簾外紫薇影重。我也憶當初聽徹紅樓。籜鳳都夢都夢。一樣悄然情動。

王西樵云念往悲來僕亦時有斯感紅樓一語是花間之雋

天仙子 第一體

苦雨

織盡雨絲難作匹。巡檐一鳥窺人立。不知天有幾多愁。

風恁劈冷雲積。應緣誤發殘花檄。

曹顧菴云落韻健舉

定西番

冬日敬亭讌集

鎮日樓頭相對鋪。月澹著雲輕。枕前橫。踏向稜稜水。壑水泉流暗聲。三尺雛松剪剪似雛僧。

弟其年云前段全在題前好末二句異

長相思

郊行

開花風落花風酒旗安頓小橋東教人駐玉驄一重
溪兩重溪弱柳遮藏曲曲籬黃鶯獨自啼

鄒程邨云換韻用王與可體更雅倩可喜

相見懽

再晤西若

輕輕颺起嬌紅小春風迎到闌干側畔出簾櫳
歛眉語携手步意無窮那時去也魂斷畫堂中

王西樵云迎到闌干側畔出簾櫳九字逼真温韋淮海諸人便不能有此

思帝鄉 第三體

雨不止遂阻郊遊之約

都休畱春春也羞樹樹好花落盡似清秋怕向樓前望
見休教上玉鈎又是垂楊影裏叫鳴鳩

王阮亭云都休二字妙在起句用

歸思

歸休百花香欲流正是淺紅柔白滿汀洲好去周旋芳
草風光到處收莫待落花庭院惱斑鳩

宗梅岑云周旋芳草我自多情然而王孫去
萋萋無數南北東西路覺芳草更自周旋

醉太平

偶見

珊珊玉鈎飄飄翠幃倚闌細雨溫柔是誰家畫樓欲
窺又羞欲行又留盼人頻轉香眸怎教人不愁

王西樵云縹緲難即
吹氣欲活真是好手

胡蝶兒

春詞

蝴蝶兒拂花枝紗窓小女學新詩拈來微咏之倦則
和花睡雙雙似有私相看陡地動人思停毫不語時

王西樵云此等詞即散木
所云句拈本色求圓淨也

昭君怨

春陰久寄姑孰

煙雨蕭蕭寒重待盼青山成夢夢裏是離愁古揚州
江水五山雲遠寸寸客懷如剪莫要寫新詩晚來時

尤悔菴云結意在言
外古人勝場全在此

女冠子 第一體

春日

相思獨自不及雙雙燕子鎮相憐花影勤催日爐香嬾
續煙 夢中空有淚鏡裏更無言任他飛燕子不開簾

小令

雷松閣

宗梅岑云與晏叔原落花人獨立微雨燕雙飛並為情至語

點絳脣

聞遂

烟霽全收遠空一色青如削笛聲依約向酒腸頻掠

翻下庭花字字相思託牽情著月兒將落人在闌干角

王西樵云烟霽二句確是聞遂起句末語峭

浣溪紗

午泛歸西園

蝶子尋花逐逐忙一溪春綠膩歸航杏煙深處讀書莊

墻

織柳欲成鶯襯貼壘巢未就燕商量迎人小犬出東

王阮亭云燕商量勝呢喃語歸航句有雅人深致

小窻

流水流雲入畫圖畫來端的總模糊小窻筆墨太生疎
乳燕聽時如可解落花掃去又誰鋪焚香整日破工

夫

王西樵云兩段末句俱得小女郎嬌憨情態如可解三字似我意中語

閱世說新語

合景詩 卷七
頭上還餘漉酒巾。庭空不曬寶吾禪。庾郎此日未知貧。
赤玉句中無宿物。藍田舉體豈常人。長卿慢世我思存。

王西樵云。櫟括劉書不衫。不履望而知為異人。

夢中作

萍子橫鋪絮一池。綠窻正擬落花題。一春情事鬢先知。
未免多情風力倦。可能無恨月容衰。扶持好夢與鶯兒。

王阮亭云。倦字著多情。上妙極。非解人不會。

贈采文

雛筍初齊萬綠香。參紅束素小兒郎。生來宜近讀書窻。
沉甲細添簫局火。芥尖鮮試越羹湯。學書教寫十三行。

范汝受云。字字精嫩。

再示采文

香粉揉成玉琢將。憨情嗔態總難忘。箇儂年紀正思量。
睡裏著驚真覺怯。笑中推酒未全莊。悄無人處可相當。

王西樵云此詞可謂膩細風光我獨知
矣○能向愁情喚態領取便是解人

初夏

只說春歸不惹愁。辭春還與悶相勾。草窠遍地碧如油。
鶯舌已無前日滑。柳腰可似向來柔。斷腸都在最高樓。

宗梅岑云香奩所謂愁腸滯酒人千里
淚眼倚樓天四垂都收入斷腸七字中

將雨

莽霧癡雲釀宿陰。較儂愁緒一般深。日長無事費沉吟。
要頓閒情拈蠟燭。怕粘冷夢熨香衾。小窻今夜雨淋淋。

侵。

土阮亭云幽嬾
閒細體中獨擅

贈瑤孫

自是緱山品絕倫。珠勻玉瑩想風神。乳名直得喚珍珍。
摒當筆床都蘊藉。捧持酒盞更溫文。越歌應不忿莊

辛。

王西樵云摒當筆床二句世那得如
此人倘有之吾老是鄉豈復越吟耶

戀情深

贈妓

掩袖留香香未許。弱煙如緒。雙絲花罽透雲痕。欲銷魂。昏。低鬟小語不教聞。鵲腦爲郎溫。微雨淺寒吹戶。燭黃。

王阮亭云未語以景語寫情最深

歸國遙

樓上

非。悞。沙。觜。水。痕。遊。子。路。只。爲。遠。山。相。護。把。行。人。隔。住。看。得。暮。雲。棲。樹。晚。風。都。似。絮。又。是。歸。鴉。無。數。傷。心。和。影。訴。

王西樵云晚風都似絮寫離情入微

巫山一段雲

四月二十日

是。客。雲。爲。夢。飄。零。惜。去。年。斷。魂。曾。泥。酒。尊。前。衣。帶。鎮。相。憐。舊。曲。閒。翻。譜。新。聲。自。注。箋。小。窻。心。性。夕。陽。天。幽。意。若。爲。傳。

鄧孝威云衣帶鎮相憐五字得艷情三昧小窻七字讀之令人情悅移時

減字木蘭花

晚閨

愁人隻影。燕怕淒涼歸不肯。却去花間展轉空將翎翅。
翻惱人明月。悄地來窺藏不迭。待向房中又是清。
清冷被籠。

王仙珮云
悄悄真真

獨坐

曲闌新竹一碧碾成千箇玉。靜掩籬門。野鳥聲聲亂喚
人。綠陰如許小。袂輕涼疑墜。雨閒譜詩餘。遍向芭蕉
葉上書。

王西樵云輕涼句
寫得冷然沁心

自遣

憶春無幾。愁到而今今夏矣。萬頃寒雲夏已賒。秋二十
分。愁懷抖亂晴雨難憑誰可斷。雨意如疑點滴都無
絲。又絲。

弟其年云雨意如
疑得久陰神埋

題宗梅岑小香居士像同王西樵作

吟情如許日向人間題好句。誰信屯亶老矣吾徒三十
年。重尋舊藁人道君家當日好。問取圖中却遜吟情
老更工。

王西樵云正如禪家下語隨
下隨掃吾畏其筆鋒之迅警

菩薩蠻

閨怨

落花萬片如堪數。和煙織就相思縷。甚處叫黃鸝。黃鸝。却叫誰。遊絲無箇事。只管隨花住。歸燕闌人愁。雙雙踏玉鈎。

王西樵云
字字怨

社集看菊

庭無凡卉花壇淨。小闌披拂隨花性。大醞總深觴。花容

人酒黃。翠紅兼艷紫。白更佳。如此醉倒便花前。携花伴月眠。

顧同東云花容入酒
黃所謂佳句不須多

客夜

冷風索索尋窻紙。那堪更是廉纖雨。半睡過黃昏。殘燈偏著人。閒愁無可破。夢裏成真箇。醒睡總來難。雙眸枕上乾。

弟其年云著人
字好乾字尤奇

題閨人繡幅

小令

雷松閣

倪迂戲寫秋山藁。兩間茅屋霜林曉。屋後枕高灘。蕭蕭竹幾竿。指尖聊染渲。直作鍼神看。小置畫圖中。香閨一夜工。

梅定九云筆墨蕭疎亦復似倪迂之畫

夜飲梅花閣用前韻却贈主人

尋幽每愛郊園淨。晴郊得盡風雲性。新釀恰浮觴。充盤一椀黃。爛熳楓遍紫。悔不秋來此。一夕抵從前。更深仍未眠。

李瑤田云筆甚峭拔

贈友人

句拈本色求圓淨。柳周香艷詞天性。佳句引傳觴。秦歐自壓黃。選花黃白紫。餘色何堪此。更要索從前。挑燈共不眠。

王西樵云小令耳却將詞家三昧全副拈出讀者只理會得開手七字填詞之能事畢矣

幽晤

上弦月落黃昏院。驚人乍似雙飛燕。已是出來難。疎屏又夜寒。拚得相思各。莫更人前謔。欲語轉嬌睛。知卿夢裏曾。

黃雲孫云此詞前段從李後主剗步下香堦數語變出

閔際行花乳茶

仙人高掌空青雨。玉蓉幾點花頭。綠華沉甌春雲自在流。蘭香誰可贈。已證松蘿聖。瑞草陋陽坡。除非

訪穆陀。俗謂之蘭香茶

儲雪持云味亦復如穆陀之葉

訴衷情 第四體

本意

癡雲癡雨寵風姨。庭草盡情肥。說來一春花事都是惱

人時。花裏坐看花飛。歛雙眉。多情燕子。片片飛花。拾上香泥。

謁金門

晚寒

衣索索。早被晚風知覺。穿過繡簾來。作惡故欺人軟弱。燭短香輕。衾薄。遊子天涯無諾。不記新秋珍重約。共

誰人戀著

王西樵云起最入情。燭短六字是銷魂語

晚醉

無事好長得一庭芳草放著閒雲閒不掃閉門雲杳杳
興到酒瓢獨合便向蒼苔醉倒睡起斜陽剛一覺掀
髯還獨笑

蔡紫楓云
會心不遠

好事近

山寺曉步

細雨潤園蔬蔬甲一時如鏃插槿籬門還閉有高人睡
足竹溪是處筍成林新筍青于玉倦向溪邊小坐已
塵襟都浴

王西樵云讀此令
我憶魯泉山居時

夏閨

曉倦起來遲已是蜂衙將散燕子一雙私語落啣來花
瓣雲頭雨過響稜稜打檐花冰綻又早半天晴碧寫
峰巒千萬

王阮亭云燕子二語畫
不出後段筆尤勦截

更漏子

秋雨

漏聲殘燈影碎一箇人兒怎睡閒繡被冷香篝孤幃見

也羞。芭蕉樹。芭蕉雨。恰似和誰共語。雨滴瀝。淚闌干。相陪消夜寒。

王西樵云較花間為刻削然其神甚似

憶秦娥

美人足 以下三首社集分賦

雙蓮小。是伊行處成香草。成香草。一彎三寸量來還少。午簾小立苔聲悄。綠階點定相思稿。相思稿。若教掌上著。人情飽。

上著人情飽

宗梅岑云一彎三寸量來還少正升菴所謂顛巍巍一對玉弓兒

美人髮

纔出慢玄雲。拖縷舒來緩。舒來緩。手圍墜地。入盤加半。香絲膩玉粧臺畔。約鬟未就。嗔郎喚。嗔郎喚。枕函蘭澤。怎教批判。

美人腰

香羅幅柳絲。一尺圍紅玉。圍紅玉。泥人入抱。剛剛如束。欠伸無力牽郎宿。欲扶不得。嬌難掬。嬌難掬。迴身笑。現怕他明燭。

王西樵云不減迴身就郎抱

東昌道中有懷

天邊月○相思準備和他說○和他說○清光分照料○應關切○
風知簾縫勾香泄○西樓月轉鳴蛩咽○鳴蛩咽○月兒不○
管悶懷空結○

弟賡明云一氣
盤折頗極清映

次梅木山夜坐韻

和愁織絡絲○整夕無休息○無休息○睡鄉佳境○怎生甜黑○
秋情如故人○非昔燈光閃閃尖○風勒尖○風勒照人○憔悴○
這般顏色○

弟其年云語
淡而意苦

清平樂

雪

雲僵風敗雪○意粧來大梅影○一窻搖淺墨○陡地幻成銀○
海○前村樵徑都迷○詩人驢背纔歸○乍喚童兒買酒板○
橋西畔還西○

王阮亭云前段描
畫雪景撰語奇縱

次尤展成春閨韻

嗔花怨草○怎得心情好○幾日小姑猜著了○故意誦郎詩○

稿。愁來壓夢難醒。背人偏要潛行。却被東風一嚇。迴廊敲動風箏。風箏鐵馬也。

王西樵云。嗔花怨草。正是好心。情未二語。從小膽空房怯。變出。

新柳

十三嬌女約畧腰。如許盡日臨風搖弱縷。無力向人前舞。小橋正枕橫塘。高樓都在斜陽寄語。東風且慢莫教輕換鵝黃。

王西樵云。此詞咏新柳。可謂探驪得珠。

阮郎歸

踏春

宿花蝴蝶惹花飛。紗窓聞畫眉。女兒生小在香閨。開箱憐舞衣。添線倦卷簾遲。闌干讓柳垂。鄰家相約踏春堤。日長緩緩歸。

吳旦門云。憐字意佳。

讓字見用字之妙。

鄒程邨云。如見吳儂。

小女縈手緩步時。

三字令

思遠

衫袖怯。晚來風。到梧桐。初月碧。斷霞紅。鴈兒癡。排甚字。

礙長空。千種字一函封。在書中和鴈說為奴通。但人歸奴不負謝伊功。

張青弁云此調最難得如此自然

鄒程邨云喁喁刺刺似小兒女細語

眼兒媚

中秋

露洗芙蓉弄晚紅。和月到簾櫳。去年此夜。今年此夜。一樣秋中。秦淮處處人如玉。簫管咽悲風。阿誰領畧曲。闌雙凭。小語初濃。

王阮亭云逼真北宋人

柳梢青

小飲遂醉

獨把金卮。煙輕露重。處處堪詩。香正勾情。衫纔泥腕。是倚樓時。愁人多少相思。酒醒後。簾吹月絲。鐘語初回。笛聲又起。幽夢難支。

王西樵云讀香正勾情三句令我斗憶少年情事如木時

荷葉杯 第三體

多情

自是多情難得端的。解后在燈前。一曲相思字字堅。昨
夢是雙鴛。不住將人低誦珍重。但願鎮相隨。書窓安
鏡。畫修眉從此不孤飛。

鄒程邨云如珠簾
鸚鵡聲容可愛

西江月

醉醒

惆悵夢魂何處。心煙一縷孤行。伴人幽月到疎櫺。照破
夢魂清冷。醉也從教便醉醒。來依舊還醒。枕邊詩句
阿誰聽。月送海棠花影。

宗梅岑云枕邊詩句阿誰聽月
送海棠花影真是花間風味

閱世說新語

我醉君須且去。人愁我欲言愁。槃間瞿谷舞無休。不許
公榮二斗。北海無尊可滿。茅山有淚難收。輸他化蝶
老莊。周末醒之時識否。

王西樵云五岳起方寸如
此硯礪非復酒所能澆

少年遊 第三體

姑溪八月十八日寄懷里中同學諸子

去年此日桂花影裏。好句坐秋陰。今年此日桂花何在。

歌枕一秋心。捲簾還起何來明月。窺夢到孤衾。半秋
勻染已深深。潮長鎮難禁。

孫介夫云前段法出朱淑真去年元夜時然用
之一段中尤奇結句不知何故使人讀之惘惘

河傳 第一體

江望

莽雲莽水一幅橫披。何人佳製。離奇空幻。百千萬里都
來雙目裏。夕陽西下漁歌起。煙如穗好向江頭醉。顏
然雲水之內。夢魂真足寄。

王西樵云只莽雲莽水
四字便不負江望一題

河傳 第二體

贈歌童

聽半箇儂魂斷。吐玉揉香。都來字字總成雙。鴛鴦不求
凰。曲終生遣寒窻暖。春恨滿。寫恨嫌箋短。鑄將金屋
待卿藏。端相溫柔。是此鄉。

范汝受云短語雋致
恰有尋變入節之妙

雨中花 第二體

采石磯懷古

千里泠泠冰雪。送過幾多英傑。送到如今英雄已盡。怒

浪都空設。醉向長江呼短楫。恰好當頭明月。頻首浪。排空熱酒澆來。滴滴英雄血。

王阮亭云試歌之妙高臺

上坡公有靈必當起舞

薛公執云怒浪都空設

比坡公浪淘語尤狠

探春令

本意

桃花樹上鶯眠。日影撩人倦。把花枝移上闌干裏。被侍婢和簾卷。石泉烹雪雲痕淺。看春光。成片幾多時。樓角橋頭楊柳樹。樹都垂線。

謝獻菴云詞忌傷巧。被侍婢和簾卷六字。正以巧而得妙。故知傷巧者原非真巧耳。董文友云眼前語。却能作意寫出。

木蘭花

村居初夏

喚提壺。催布穀。新筍初抽。香簌簌。支午倦。向迴廊靜裏。一聲風啄玉。戲投竿閒濯足。一對鴛鴦無事。浴斜日。莫起漁歌。晚雲收盡。天如沐。

劉漢臣云

有別趣

怨王孫

有憶

玉人何處落花殘。霧水浸平橋。煙迷遠樹，無語獨凭闌。
干淚斑斑。枕痕一晌，畱香軟。秋夢淺，近晚風如剪。搖
搖影影，瑟瑟幽思，誰牽一聲蟬。

王阮亭云：比花間稍流麗而實從花間出。

賣花聲

一醉

書室紙為屏。病嬾嘗局。閒人無事學翻經。折得梅花和
雪嗅。片片冷冷。鐘語坐來聽。身世如萍。向誰白眼向

誰。青自造中山。千日酒。有醉無醒。

王西樵云：向誰白眼向誰青。七字痛甚，非有醉無醒何以消此。

凌湘山云：在龍洲龍川外，又創一格。

本意

小鳥鬪啾啾。香夢難畱。畫樓人起正梳頭。買得一枝紅
顫顫。曉露微流。一擔把春收。堯的相勾。倚簾不語凝
雙眸。挿向鬢邊還。又住恰為花愁。

王阮亭云：詞致亦如花枝紅顫。

臨江仙 第一體

夏日

庭陰日午長無事。被郎央及檣蒲枝。枝打著。教人輪拋。散不語。扯裙裾。郎愁又把。人央及。這回不比當初。一盤贏得便。懽娛賭郎新織藕絲襦。

唐耕塢云寫兒女子嬌癡活現

河傳 第九體

醉倒

茗芋難醒支離傾。及絕奇之影舉杯。問影爾何如。樂平酒腸今不枯。從來醉境無人說。憑干却真醉不磨滅。

誰吾曹足酒豪。明朝和天築酒巢。

王西樵云絕奇之影四字妙絕可思真醉不磨滅五字至理故竹林中人至今傳也和天築酒巢又奇

李雲田為少君寶鏡買婢掃鏡

今日非昔向粧臺畔。耐卿小立一雙艷玉。總生香問郎。柔情那處長。郎愁故把人來攪。和人好不顧人兒惱。對花枝不語時。尋思愁深郎不知。

王阮亭云耐卿小立四字妙有可思

河傳 第十二體

秋旅

睡睡心碎燈花如夢特地驚人梧桐一墜可憐近夢無
靈癡魂徹骨飭愁中道路千千疊千千結死伴千千
劫到拚他深夜了雨裂風揉盡情愁

王西樵云時從碎處露其
警癡魂徹骨飭是奇語

鵲橋仙

送別

尊前雲起望中煙合是處離愁如織煙雲明日又相逢
怎便把人兒分劈輕簫屢咽好花頻落也為今朝珍
惜縱然沉醉不知離酒醒後如何過得

梅淵公云末句所謂本
色當行非老手不能

虞美人

春晚

晴蜂暖蝶朝相語嘆息春歸去天涯青草鎮茫茫唯有
行人依舊老他鄉長江記是來時路却被山遮住殷
勤為謝子規心不如鷓鴣知我却還深

王阮亭云情深一
往所謂觀此茫茫

閨怨

搓成梅子圓如豆是處清陰湊一雙蛺蝶過鄰家可是

綠陰深處不畱他。看來蜂蝶和花好。百遍隨花繞。只教春去任花飛。怎不蜂蜂蝶蝶也同歸。

南鄉子 第四體

冬夜

雪壓瓦楞寒。閣著琵琶不忍彈。今夜珮聲傳。山冷珊珊。辜負玲瓏玉一環。錦被半牀慳。幾遍添香。只是單一采燈花看。妾笑難難。冬夜籌添不易闌。

王西樵云看妾笑三字妙于遼懿德后對妾故作青熒熒矣

夏午覓睡

消暑展桃笙。五尺琉璃石上橫。問到睡鄉纔入境。心驚。度枕松風恰一聲。倦耳付深扁。莫使松風喚得醒。分付童兒聞剥啄。休聽也。向槐安國裏行。

曹文占云大得睡趣

思歸

何處是天涯。遊子忘歸認作家。夢斷五更天欲曉。烏鴉。多少啼聲起樹丫。休說是天涯。貧客羞歸且作家。行李半肩天正晚。烏鴉又帶斜陽到樹丫。

王阮亭云立格命意皆以板對為脫。元烏鴉兩字作句尤妙

小令

西樵公

春去也

春怨

怪來春不和人聚。知道將歸收拾花同去。可憐全學薄情郎。處處園林留不住。只有蝶兒相顧。幾多落花猶護也。應念著寂寥人時。嘗一到簾前路。

王阮亭云安知薄情郎伎倆又非從春學得

醉落魄

江上大風

一輪明月正照得。雲山如雪千里長。江流不竭扣榜而

歌。多少人興滅。飄零半世餘長缺。醉來自把新詩說。

狂呼驚起蛟龍蟄。掀倒青天誰是英雄者。

王西樵云故非英雄不能為此語

小重山

宮詞

銅鞮音稀夢未真。笙歌他院落。總君恩。金釵畫月過黃昏。憑誰伴羅袖。見秋痕。眉淡不堪顰。流蘇還自下。荷香茵。隔花宮漏悄無聞。簫局火。香盡也難溫。

李昭華云風人之遺。填詞中未易多得。

踏莎行

簡揚赤文兄弟

書○篋○堆○愁○酒○痕○成○淚○風○光○只○解○供○惟○悴○古○之○貧○者○是○何○
人○錦○囊○佳○句○來○驢○背○是○此○生○涯○儘○多○况○味○蝨○餘○鼠○剩○
難○教○廢○今○之○貧○者○是○何○人○與○君○共○擬○詩○瓢○醉○

梅耦長云的是名士風流章法復佳

秋意

團○扇○纔○輕○井○梧○初○舍○金○風○颭○踏○兜○央○瓦○繡○簾○未○捲○隔○流○
螢○來○回○只○在○闌○干○下○露○葢○柔○零○月○絲○滿○瀉○小○鬟○多○事○

將○螢○打○扇○兒○悄○動○似○能○知○飛○飛○直○上○墻○頭○者○

劉長馨云前後段寫螢四句宛轉極工又出少陵巫山秋夜之外

竹塘寺寓同夏坦仙夜話

高○笛○橫○空○柔○絃○靜○月○流○螢○幾○點○都○清○絕○坐○來○新○露○下○梧○
桐○小○涼○時○過○羅○衣○摺○雲○練○孤○飛○河○繩○低○掣○百○蟲○聲○裏○
塵○情○歇○十○年○消○受○是○真○閒○夢○魂○較○比○當○時○貼○

倪開公云閒故難得亦復難得受享人散木是能受享者

韞林為余書小青詩仍屬余代題

夢○影○驚○潮○梨○魂○碎○木○傷○心○盡○在○新○詞○裏○西○湖○一○碧○葵○璫○

花杜鵑叫斷孤山尾。女子如斯才人已矣。古今多少

如卿比。莫將薄命為才嗟。艷思誰使文成綺。

王西樵云孤山語雋女子如斯才人已矣八字所謂不言而神傷

高笛聲空系絲絳。且欲瑩幾。燠晴。青發坐來襟。靈可。靜

竹。戲。寺。寓。同。夏。世。山。交。結。

蘇工又出少製巫山妖交之代。隱是馨云前對對冥瑩四回空轉

淋。登。沐。風。良。謝。憐。以。前。映。張。張。直。土。寄。題。春。小。髮。多。事。

通州陳世祥散木撰

合影詞 卷下

新城王士禎阮亭

宜興弟維崧其年

評

休寧孫

默無言較

中調

鵲踏枝

病緒

愁病如愁誰見慰。著甚來繇。陡地思量。梅花片片飛春。

不繫燕兒爭取愁他墜。翠損紅零羞問婢。只有菱花是我真知己。彊起無情還欲睡。羅幃更被香憔悴。

宋其武云花片七字句法佳絕

愁

潦倒十年愁窟裏。病酒逋詩意興都無幾。愁緒世間何物比。青衫溼似邗江水。著地尋來誰可避。好月名花

加倍添人淚。最叵天公無意味。生生風雨將春廢。

王阮亭云寫愁處妙極毫髮如龍眠之畫馬

上曲陽春日

依舊春來生綠草。風雪無端偏阻行人道。歸夢不成頻又覺。可憐只是懽娛少。也似江南山色好。曾見花開一樣蜂兒鬧。閒著莫教樓上眺鄉心。蚤比愁先到。

王西樵云筆情懶散入妙

責草

抹雨拖煙愁色重。千里長途為甚年年種。慣把行人來斷送。樓頭一望青無縫。狼藉好花鋪作供。南北東西是處惟伊橫。勾引香閨春緒動。新泥污損鞋尖鳳。

彭哲人云青無縫三字妙絕

問柳

煙柳成絲無甚繫。只是橋邊。日日嘶征騎。故把長條垂
到地。分明做就離亭意。滿院飛花狼藉墜。墜向筵前。
撲面如人淚。卷作毬兒吹。又碎浮萍一夜遮池水。

許聖木云旖旎纏綿結更得三昧

冬閨

可憐殘臘無多許。剩雪零冰。還做淒涼雨。蕪盡水沉無
煖處。好香不伴愁人住。燈焰青熒花不吐。冷夢依稀。
欲記無頭緒。喚起侍兒癡不語。夜分應是多過午。

孫介夫云好香句不可解而可解

東諸公敬亭讌集 代作

記得瑤花棲絕巘。轉磴迴谿。多少流雲串。俯看萬松攢
翠線。南湖平展琉璃面。想到高人能繼綫。搖筆豪情。
玉笋飛如箭。新月曉霞天不倦。千年韓李將無見。
韓退之亦

寓客

王阮亭云別樣
皴染字字尖礮

春寒

未及春來愁已及。春到梅花。花朵還重襲。饑雀啄拋紅

粒粒東君儘把幽香螿。酒倦詩通成悒悒。擬泛輕舟。怕見歸潮急。是處天涯愁盡入。一窻風雨燈花澁。

尤悔菴云如聽洗馬言愁

漁家傲

漁父

未織晚煙紛似絮。濤牙嚼雪扁舟度。網得魚兒菱葉覆。呼阿婦。村中沽酒將錢去。半醉歸來船倚樹。大江多少風波路。阿婦向前叉手訴。君休誤。風波除却何方住。
李竹西云濤牙句險而工末語尤出人意表

弟其年云此夫此婦何必鹿門接輿耶

燭花

蜂蠟爲誰開並萼。銅龍已下重門鑰。多少相思無處著。休見說。紫明知道人消索。舊夢新愁眉上閣。今春較比年來惡。起剪燭花香。炷落儂不錯。是花一樣春飄泊。

燈一名紫明供奉

彭青琳云銅龍句接得好結句怨

醉春風

春漢

悶雨和愁墜。生把花時廢。近來整日下簾櫳。睡睡香
冷銀囊繡閒。鈿尺只供憔悴。醒夢難迴。避凄凉。剛一
味從今真正不思量。諄諄諄。心系教枯。淚痕成積。枉然
空費。

周菊人云睡睡睡
三字安放却好

久陰

最是鳴鳩橫。硬與花成訟。推殘萬片。葵新泥。痛痛痛。屏
曲香慵。簾旌膩。逼冷雲無縫。未把愁來送。又把愁來
種。無聊覓得却愁方。夢。夢。夢。白墮三升黑甜。一枕討他

閒空

儲廣其二云春陰無賴。讀屏曲三句所謂我亦
欲愁矣。第恐醉睡兩鄉未足以寄愁埋憂也

天仙子 第二體

立夏

酒惡更嗔花氣裊。起把落花和露掃。黃鸝一箇上枝頭。
來。報。道。添。煩。惱。今。日。五。更。春。去。了。倦。眼。舒。將。煙。渺。渺。
是處溪山全綠遶。却拈短棹問桃源。非故道人間杳。繁
陰如雨無啼鳥。

王西樵云婦情處
語斲截意縹緲

千秋歲

用永叔第二體

廣陵臘月念八日

是月小盡

愁○城○無○外○就○裏○還○無○內○多○情○伴○我○能○無○懈○霜○尖○鑪○火○弱○
風○閃○燈○光○碎○鴈○過○也○聲○聲○淒○苦○真○同○派○道○力○愁○中○耐○
仙○骨○愁○中○蛻○星○宿○劫○愁○難○壞○夢○孤○身○怯○影○圍○減○腰○憎○帶○
笑○明○朝○一○年○又○去○愁○還○在○星宿劫出華嚴經言多也

王西樵云無外無內故非小言大言之所得盡愁中仙骨蛻妙語

隔簾聽

遲阿秀不卽至爲西樵司勳賦

看○綻○燭○花○雙○蒂○吐○瓣○人○剛○到○羅○幃○笑○揭○聲○還○悄○悄○問○
檀○郎○爲○儂○懊○惱○漏○盡○了○怎○和○永○枕○頭○歪○靠○忪○相○抱○檀○
郎○輕○笑○試○向○卿○卿○道○如○年○永○夜○銅○壺○杳○聽○來○偏○錯○故○將○
人○攬○未○天○曉○明○朝○細○和○伊○表○

剔銀燈

冬日敬亭讌集止宿

起○得○晴○郊○淡○蕩○好○載○向○筍○輿○數○兩○一○線○湖○光○四○圍○林○影○
襯○出○晚○霞○如○絳○扶○筇○山○頂○便○摘○取○絳○霞○爲○釀○吟○就○問○
天○奇○唱○直○喚○醒○古○人○無○恙○刻○燭○詩○成○傾○瓢○酒○竭○我○輩○狂○

來差壯明朝重省。更笑倒真狂非誰。

王阮亭云非狂那能壯直喚醒。古人無恙妙於恨。古人不見我。

千秋歲 第二體

為吳爾世母節壽

笑捧霞觴代君陳祝。萬歲水桃今歲熟。四海交游歌壽。母三春風物先華。屋佇期願。褒節孝。君家獨。三十七年貞志篤。三十七年庭訓足。兼父兼師心更曲。當初茹苦唯熊膽。而今色養真仁粟。湛夫人百世後。留芳躅。

踏青游

清明日同西樵介夫至法海寺

烘日勻風。春光著人輕。舊繡草路泥香。成片覓誰儂。和笑走弓鞋。初倦。更是處。池塘簇蒲拖柳。閒殺畫船歌板。把酒樓頭。憑闌望。中平行。嘆此日春光都賤。彩旗空。絨索冷。秋千荒院。總聽徹歸途小。亭妖曲。依舊楚天雲遠。

宗梅岑云閒殺畫船歌板寫得悽艷依舊。楚天雲遠寫得澹遠俱是周秦極佳處。

八六子

挑燈僧舍風雪畏人。凄然有塵中之戚。

坐僧寮。何來風雪欺人。窻紙頻敲。看壁上橫刀自吼。牀頭斗酒孤傾。可憐緼袍。是誰潦倒吾曹。半枕故鄉離。夢十年流水。詩瓢不禁得短髯。恰如秋葉。奇雲滅影。好花減片。拚向水國幾家漁父。烟林一箇山樵。興還饒。多他這卷離騷。

王西樵云。拗調能穩。支離憔悴。中有英雄之色。

長調

意難忘

送曹顧菴學士還武塘同用高字

客也無聊。况棲遲歲晚。風物蕭蕭。酒壇差共慰。墨陣頗能豪。容笑傲。有吾曹。壘塊正須澆。但輸他青衫溼了。還對檀槽。時覓歌姬不得夜闌月小天高。更霜華痕重。逼向征袍。談深嫌漏急。曲緩寄絃么。無柰事可憐。宵別恨總難拋。怕看來曉江風色。似雪寒濤。

王阮亭云。青衫句翻新。

滿江紅

賦紅白菊花

潤白柔紅。都刪去人間顏色。訝座上並肩聯袂。誰家雙

壁。裴。令。正。從。粗。服。好。衛。郎。合。向。羊。車。覓。判。此。生。飲。興。伴。
伊。家。千。浮。白。香。黯。淡。無。痕。迹。影。歷。亂。難。收。拾。看。繁。英。
爛。蓋。萬。花。如。織。葉。索。排。當。渾。勉。強。花。頭。打。搯。真。蕭。瑟。問。
當。年。籬。下。舊。風。流。誰。能。識。

王西樵云葉索花
頭二語撰造甚別

社集又賦紅白菊

是。處。栽。花。遍。園。林。尋。常。蹈。襲。儘。歲。月。畱。枝。養。葉。補。疎。刪。
密。騷。客。徒。誇。英。正。落。人。間。豈。有。花。能。實。看。如。今。兩。樹。占。
秋。芳。成。花。國。十。日。坐。旃。檀。席。五。夜。對。瓊。瑤。壁。更。紅。情。
不。艷。白。光。如。拭。浸。玉。寒。泉。明。夜。雪。助。粧。金。盞。酣。朝。日。是。
臣。髡。飲。酒。最。懽。時。甘。千。石。

程周量云紅情不艷八字纔是菊花品格
若單從紅白著想便是咏桃李諸花矣

夢中飲名酒追憶

名。酒。招。余。見。尊。尊。恭。而。竦。立。恰。酷。香。到。鼻。肅。然。三。揖。蘭。
氣。故。從。幽。谷。吐。露。華。豈。落。人。間。跡。笑。當。年。虎。魄。詫。蘭。陵。
非。佳。客。髯。也。隘。慳。一。滴。髡。也。妄。誇。一。石。共。此。公。相。對。
莫。言。朝。夕。興。發。君。能。傾。十。斗。醉。來。我。願。拚。千。日。只。李。生。
一。斗。百。篇。詩。真。無。敵。

王西樵云起四語寫夢景奇絕趣絕恨不得李伯時畫之後段亦語語警

唐朕虞畱飲却贈

秋老籬門有高士蕭然獨處倚閒砌孤枝冷葉菊花無
語一畝盡拚衣尚敝三篇賦就饑難煮朕虞有典屋詩三首恰何
來狂客破苔封攜秋雨科頭坐誰賓主掀髯笑堪吾
女正紫螯堆珀綠醕斟乳筆底仙乎君獨步杯中老矣
余千古記醉來還有舊風流槃間舞

梅淵公云携秋雨三字佳絕

燭影搖紅

集飲西樵司勳寓園聽雲然女史度曲分得八
字

鴛瓦霜濃金釭一點么荷燁吳麤匿笑隱紅簾小露君
兒摺簾外冰輪碾雪問誰領人間花月縵山仙子謫向
塵中還吹尺八繞徑疎梅凌寒早有幽香接玉人試
與並梅花一樣無分別休把涼州高揭惹多少宮墻偷
壓酒徒腸熱詞客魂消都難安貼

宗梅岑云幽韻閒淡高季迪所謂月明林下美人來

天香

韞林君爲余書小青詩卷系以題句見慨賦此
答謝

散朗神情幽閒風氣于今閨閣誰匹。豪寄魚肌健臨。狸骨釵脚想應斯跡。瀾翻千字更首尾精神如一天壤。王郎爭信得墨雲生劈。却念才人堪惜。莽天公有名無實。三寸管真視萬年鷄肋。自笑填詞空老難寫盡青衫。舊消息何意書生佳人能識。

王西樵云描愁寫怨如散木工矣乃能識
只有佳人安得不感僕則又并此無之矣

夏初臨

爲王司勳題水晶簾下看梳頭圖

蕭靈曦書

悄意難描幽情誰見久無人賦雙文梧影單衫閒中驗
取腰身蕭生作意經營寫濃香不著些顰曾波橫溜淺
櫻忍笑活現伊人書簾小暇粧閣清懽釵邊翠滑鏡
裏紅分欹床凝睇心苗全染幽芬道不銷魂相看處
盡溫存問真真他年好憶月想花因

同人燕集北郊園亭得西字

柳盡籠風荷能翻水望中竟綠暄。萋布席清陰冷香都
上人衣午階花影歲。蕤共水紋簾子漪漪誰家畫舫惹

殘。峽。蝶。驚。起。鳧。鷺。良。朋。聚。首。高。唱。微。言。詩。携。謝。眺。談。
有。張。譏。人。生。行。樂。後。今。今。昔。如。斯。羽。管。頻。飛。卷。迴。波。勸。
玉。東。西。儘。遲。遲。歸。筇。好。踏。煙。路。迷。離。

王西樵云讀此真覺
會心不遠魚鳥親人

念奴嬌

江上憶

犁。煙。雙。槳。向。江。頭。載。滿。春。舟。愁。緒。明。月。琉。璃。千。萬。頃。驚。
起。樓。鴉。無。序。香。字。初。溫。燭。花。還。別。此。際。人。何。處。夢。魂。相。
覓。隔。江。多。少。迷。誤。憶。得。晚。閣。輕。寒。簾。前。瞥。見。便。欲。畱。

郎。住。一。翦。秋。眸。羞。欲。滴。扯。著。簾。衣。故。故。多。事。輕。帆。無。情。
流。水。特。地。催。將。去。淒。風。惹。恨。孤。舟。不。道。相。怨。

弟其年云秋眸二句有多
少情態仍不做作故妙

八月念四夜采石舟中

長。江。正。寫。問。江。流。此。水。何。年。淘。淨。露。冷。三。更。剛。掛。起。悄。
悄。半。輪。明。鏡。桂。子。無。聲。秋。情。零。落。起。把。孤。舷。凭。闌。干。北。
斗。夜。潮。最。入。清。聽。嘆。息。半。載。征。鞭。愁。予。渺。渺。耐。有。江。
山。勝。擊。節。高。歌。杯。酒。裏。短。劍。彈。來。霜。斂。千。水。千。山。一。人。
一。月。此。意。堪。誰。贈。青。蓮。何。在。扣。榜。呼。之。如。應。

三月三十日

春○光○如○夢○還○如○雨○併○作○將○歸○消○息○一○片○飛○花○千○縷○恨○呈○
斷○遊○絲○千○尺○蝶○味○都○闌○鳥○聲○無○賴○狼○藉○難○收○拾○頻○看○日○
影○今○朝○生○怕○昏○黑○拚○待○守○住○今○宵○為○春○奏○請○願○討○畱○
春○勅○爭○柰○花○枝○都○瘦○了○樹○樹○綠○衣○新○織○脂○合○香○銷○膽○瓶○
色○褪○也○去○無○踪○跡○不○如○野○草○青○青○沒○些○知○識○

王西樵云煞是多情未語從樂子之無知變
出却另是一副言語此文人善於偷奪處

題山語雨花臺看雲小幅

山○中○住○久○有○栗○畱○枝○上○時○時○來○伴○絮○日○疎○風○天○氣○好○坐○

向○綠○陰○嬌○喚○午○後○微○涼○一○簾○幽○夢○清○迥○無○拘○管○起○來○閒○
步○泉○花○恰○注○茶○椀○雨○花○臺○上○看○雲○丹○黃○青○碧○萬○里○奇○
光○滿○非○色○非○空○無○定○相○未○可○作○雲○霞○觀○我○把○虛○空○攝○歸○
丸○墨○貯○向○山○公○腕○真○然○靜○坐○長○天○明○月○如○盞○

趙五絃云讀午後五句覺幽興
拂拂故是作畫前一設意境

送孫無言歸黃山次曹學士王司勳韻

黃○山○家○者○見○多○少○虛○名○唯○君○稱○絕○閱○盡○人○間○風○景○惡○苦○
憶○山○中○喚○鐵○詩○癖○能○耽○詞○情○獨○賞○嘯○匹○因○霄○舌○焙○山○煮○
海○安○貧○肯○與○同○轍○已○辨○剝○芋○為○衫○編○柳○成○笠○衣○履○全○

然別道是煙花。隋苑冷螢火。何曾真熱富。自當求吾從。
吾好誰巧誰云拙。朱砂峰頂接天萬。仞紅雪。喚鐵郭休
隱太白山
事因霄國名
其人善嘯

王西樵云焙山煮海四字精確煙
花二句命意高結更是出色烘染

小春紅橋園子。譙集同限一屋韻。時有魚較書
在座

尋常歌舞侈華筵。是處爭誇金谷我。向人間徵盛事。除
是咳珠唾玉才子詞壇。佳人酒坐香煖花光覆。一觴一
咏不須絃管絲竹。幾折鴈齒斜橋。畫簾輕幙游冶驚
人目。併入酒腸成好句。十指酒香拂拂彩筆紛飛寒濤

卷起怒欲來崩屋。笑余寸管中書君老而禿。

曹顧菴云筆曲于螺心
細如髮字字幽迥不凡

次曹顧菴學士韻述懷奉答

菰蒲埋首難重訴。長語音如哀筑。窮鳥枯魚自嬾慢。相
成人誰題目。蜀道行難燕歌氣。盡書又無兒讀酒中狂。
笑屠門大嚼無肉。莫問歌吹揚州自竹西。人散况籬
邊菊何事。中郎還未絕。取遂會稽東屋老大頭。顛半生
儘消受無能粥粥餘。酣腸熱醉中亂品橫竹。趙元叔作
窮鳥賦下

士蔚作
枯魚賦

唐朕虞云穿雲裂石之音尤精于選料孫豹人云蜀道行難燕歌氣盡焉得不以大白澆之

次顧菴韻送朱近修還海昌吳西崖往山陰兼

懷宋既庭先還吳門

蒼。淒。林。莽。度。征。鴻。正。是。高。空。秋。肅。瑟。瑟。水。天。蘆。菻。听。愁。殺。布。帆。雙。逐。越。海。雲。沉。吳。江。楓。冷。何。處。扁。舟。宿。青。山。入。眼。浮。螺。不。似。新。沐。廿。載。鹿。獨。江。臯。黃。塵。濁。酒。霜。雪。紛。山。麓。此。日。追。陪。群。彥。後。覺。穢。在。前。珠。玉。芒。屨。難。歸。貂。裘。盡。敝。夢。裏。梅。花。屋。頻。搔。短。髻。嬰。娒。不。堪。簪。菊。

董文友云披鶴氅涉雪而行此其風神自不在羣形中矣能無流奕清舉之嘆

次學士卽席韻兼呈宋荔裳觀察王西樵司勳

詞。壇。宿。將。覺。秦。歐。辛。陸。今。無。難。續。壁。壘。當。塲。爭。上。駟。我。拜。祝。聃。三。覆。劍。戟。無。聲。殺。人。如。草。手。得。中。原。鹿。回。看。餘。子。與。其。書。不。能。讀。笑。我。手。拙。髯。枯。牢。愁。難。寫。倚。馬。慚。枚。叔。描。畫。蓬。蒿。只。辦。得。潦。倒。山。癯。半。幅。食。力。居。貧。隱。安。遺。躅。空。有。江。湖。屋。先。生。不。棄。許。余。同。餐。秋。菊。

孫介夫云意象老境不減

辛陸雋永宕逸超然勝之

弟其年云道聲壯節却從辛

陸外別闢幽徑真是異筆

次其年韻戲東西樵司勳

鈿車初下見珮聲。纔杳香塵猶綠。翡翠簾深穩護住。十
 二屏風曲曲。金縷裙襦。水仙薰透。春煖香盈。斛爭籌打
 馬。紅窻聽賽盧犢。誰信霜冷籬門。蕉黃空似紙。有愁
 難錄。認是桃源迷去路。冷隔千溪。寒玉想像雲然。非煙
 能擬。秀奪三秋菊。重來覓晤。臣當三薰三沐。
周姬名秀字雲然

王西樵云冶艷雕鏤玲瓏掩映幽麗出
 溫尉宰相之外結以莊為諶風味特絕

送家季其年歸陽羨用顧菴東西樵其年長調

先成韻

年來懷抱拚剪愁。作片織愁成幅。如許乾坤供好事。難
 著半間茅屋。酒暖歌深。只供憔悴。况此顛毛禿。翻翻徑
 起。槃間自舞瞿谷。幾日剪燭寒窻。恰別離又迫。離情
 盈掬。醉裏烏烏歌老。驥聲咽唾。壺如木湖海。飄零胡琴
 空碎。此意非君獨。片帆漸遠。斷江一片黃竹。

李研齋云音節之間如有所咽而不
 得舒吐之哀絲豪竹應得互見其妙

讀孫介夫文鈔賦贈

文壇飛將向人間。橫視誰堪牙纛。江左孫郎。陡頓使一
 霎曹劉手縮。壁壘霜嚴。旌旗電燁。歐柳還臣。僕同人。僉

日斯言受者無惡。年來好手能多。驅無言煙黛恣搖。毫牘倚市逢年何處辨。此道明珠魚目。掌握靈蛇。何藏繡虎。兩者君俱足。先生大笑療貧。都未堪醫。

孫介夫云療貧未醫臣誠有之繡虎靈蛇則吾豈敢

懷宗梅岑表弟兼東鶴問

凄然回首舊揚州。曾見幾家華屋。二十餘年剛付與。一片寒笳代馱。屏跡隋墟。轉蓬梁苑。空負琳瑯玉。坐而須老。此生過在誰孰。嗟余久矣飄零。牢愁成句。不可人間讀。媿殺前賢稱宅相。駑馬秀騏齊于沈水。相逢須眉。

非昔還向窮途哭。君來就我澆寒且索醞醪。度闡詩朔障裂寒笳

水原嘶代馱鶴問新自中州歸易林失其利

味過在誰孰顏延之赭白馬賦秀騏齊于沈方鄴云淒音如哀絲脆竹異色如霧縠水綃

訊孫豹人移居

彈琴讀易便北山。土窟高眠真足身。外無多要置頓床。上之書連屋十頃。篔簹拄廉願志好擬逃于竹蓬蒿。滿宅未荒還有松菊。最是此事難期天公之判斷。吾曹方酷何物書生而妄冀如此容容多福。二頃田無三間屋。老羊也籓空觸一頭牛。在露車故堪常宿。

王西樵云讀後段
便擬與天公牋

同范汝受旅病戲遣

蕭寥僧舍筭兩人佳趣窮愁千斛立躓行僵無是處鬼
日其窮未足二豎挪揄膏盲可據共煽窮愁獨看教
瘠歛床而捫枯腹也。只幾首新詞描愁寫怨便折平
生福誰者中黃真起瘡一七不勞參茯雞距能花魚腸
自吼起舞何須蹴咄來而鬼乃以余為形枯白香山有雞距筆賦
王西樵云窮鬼椰榆吾曹須受第有一語差占地步
日耻與魑魅爭光耳通首苦境出以調笑筆墨之趣
殊可想見

孫介夫云昌黎送窮文嘻笑以當怒罵子愿定命論
慷慨而寄悲歌此則旁敲正擊短嘆長吁却為貧魔
高標位置恐百臂錢神反細縛死地耳立躓行僵句
竟是孟子動心忍性節外註前人未曾道得在詞中
出之
尤奇

期紅兒不至又東司勳

魚箋難寄竟看朱成碧視丹如綠燁燁明霞全化做一
片冷雲成族楓葉無姿焦花不吐黯淡闌干曲杜孃此
日羅虬應判千幅說甚記曲簾前相思蠻豆接著如
枯木况是楚雲消息杳光彩空勞翠燭無葉能傳有絲
莫繫謊殺氤氳讀卜歡骰子滿盆隻隻三六郭遐邇贈稽叔夜詩

心之憂矣視丹如
綠時雲然未回

范汝受云通首句句藏一無紅在內用意幽窈運筆
靈脫魚箋一語尤為點睛覺崔念四踏青游詞不得

獨擅
工斲

宗鶴問云紅豆枯木句其妙不減前
聲咽唾壺如木叶字幽深直可壓卷

次季希韓畱飲韻兼送其暫歸

悲歌當泣向酒徒市上共君擊筑酒椀淋漓成墨潘幻
出龍蛇千幅如此才峰逼人疊疊未是淮南獨嗟余老
矣藉君同逐秦鹿正此酒境詞情好望衡對宇啜僧
寮粥無那布帆風又飽曉向寒霜僕僕勾當來時錦囊

應滿先索新詞讀傷心最是唱陽關不成曲

曹顧菴云疑摩遂宮唐偷此新調岐

王宅裏崔九堂前那得幾回聞此耶

鄧孝威云顧菴奇句往往出以朴老散

本奇句往往出以反拘各是體中獨至

解語花

花燭詞

柳知偷眼梅待吹唇熨袖風痕皺碧紗窓裏薰雲錦恰
恰早春時候十二紅燈剛捧出步搖香灑爭誇道天上
神仙來作人間偶暢好月明如晝索存存款款著意
消受銅龍初漏卿當倦紅燭影沉知否文苑並宿得多

少玉偎花逗。祝二喬携手蘭堂。紫毳雛雙授。

王西樵云起最工琢讀紅燈二語如見靈芸下車時

木蘭花慢 第三體

泛舟夜歸

漾澄湖淨綠。吹乍皺。熨難平。笑如許。春光花朝。花夕。花雨。花晴。年年不教孤負。幾閒人於此。費經營。逞盡鶯花伎。倆獎成風月聲名。木蘭艤子。小于嬰。隨處有居停。但曲谿。斲泊。招雲可落。呼鳥能應。紅塵半生勞攘。回首來醒。夢總難憑。便好乘風飛去。瑤天星斗晶晶。

李雲田云起細膩尖警又勝吹皺一池春水矣瑤天六字奇語

霓裳中序第一

為歌姬楚雲作

嫦娥怯清影。斲別蓬山下塵境。來作春風管。領儘玉艷。香柔柳慵。花暝。當筵自逞。問阿誰兒女。能並除非。是飛瓊瑤闕。唱步虛幽冷。夜永。落花無定。更纖月流雲都凝。畫堂雙燭。相映有萬顆。真珠飛光。圓瑩怎嬌。花情性。蚤占了歌場曲。聖書生句。雪兒知否。笑未堪畱贈。

王阮亭云玉艷入字已是美人上考後半形容度曲之妙尤覺驚心動魄

杜茶村云玉艷香柔柳慵花暝爲楚姬一洗
過雲繞梁舊習矣彼秦青絳樹輩誰能並耶

瑤花

看繡球作次司勳韻

瓊花歇後簇玉圍珠未敢誇無價八仙小派儘放春過
去守他新夏銷紅成翠直今日花神纔暇把碎瓊細劃
玲瓏點染月明涼夜曾傳玉蕊當年碧筩散冰絲鬚
粟芬射仙姬也向人間戲角扇雲冠低亞玉峰赴約嘆
自此蕃釐難借待醉深夢到仙家立馬藏花洞下
唐嚴
休復
玉蕊花詩有笑對
藏花洞裏人之句

弟其年云余曾有月下看綠萼梅詞頗爲阮亭所賞
見兄作不覺自失矣把碎瓊細劃十三字直是瑤臺
中人
語

二郎神

爲李雲田題周少君寶鐙坐月浣花圖

何來周昉偷出深閨一罅除繡帖鍼牀兒女事都閣起
莫侵筆架月冷花慵春漏永冷落煞一枝低亞雛婢狡
香泉夜灌特地閨中消暇兜答月尖露重寒侵羅襪
便把酒酌花花不語應嘆息有人佻達蕩子不歸還獨
守是誰道春宵無價畫圖上人間多少傷心作風流話

王西樵云余亦有寶鏡怨四首仿古樂府一時頗傳之然不如此詞寫怨處特覺斌媚蘊藉

解連環

次顧同東懷舊原韻

此身無託笑乾坤窄小可人難作二十年奔走天涯見
山苦水悽酒窮詩惡往事都非休提起綠窓絃索恰夢
回霜曉陡地傷心舊日樓閣茅山已無妙藥縱魂縈
海渚身繫天角枉積下恨跡情踪待叠起相思又難拋
却百轉迴腸鎮日夜全無安泊總我伊文魔情孽應同
淪落

王西樵云一往有深情又非喃喃兒女語

宗梅岑云阮咸貧去向秀歸來是此情致然二十年來翠樓朱檻何地不為卜肆耶無端舊日梁間燕古寺相看倍惘然此余舊句也今覽此詞不覺重為隕涕

一萼紅

四月十日西樵司勳約過袁園看牡丹作

客懷多儘酒澆不盡無計與騰那草欲迷天花全卸地
人間花草蹉跎已發付春光九十渾忘去却百日等閒
過燕語分明怨春殘了没法樓羅踏向悒悒園子問
花王消息百五如何榴瓣能殷瓜瓢故淺午酣香影婆

娑○遍○坐○裏○酒○香○花○氣○寒○錦○幄○花○也○顏○酡○空○惹○天○香○歸○去○
冷○熨○衾○窩○白牡丹寒食時開名百五花
榴瓣瓜瓢俱園中牡丹名

宗梅岑云客懷多十三字與韋莊謁
金門空相憶九字各自一種情深

內家嬌

幽情

相○逢○携○手○覩○今○何○夕○仔○細○問○卿○卿○是○綵○繒○能○真○畫○中○形○
現○薺○蕪○在○握○夢○裏○逢○迎○重○携○手○移○燈○端○翠○鈿○促○膝○鞦○韆○香○
纓○一○尺○柳○絲○瘦○來○有○幾○兩○痕○山○影○淡○了○還○曾○別時渾
似○醉○愁○中○意○今○宵○此○際○纔○醒○當○日○心○煙○對○裊○目○語○雙○成○

謝○天○公○判○斷○幽○懽○許○結○花○神○擁○護○癡○想○教○靈○多○少○相○思○
證○據○說○與○星○星○

黃初子云言情處字字細
膩莽人不能得其一字

憶見

香○風○吹○欲○去○都○應○是○憨○態○玉○難○支○記○嬌○要○倚○人○兩○鬟○低○
處○笑○佯○看○影○半○步○回○時○魂○銷○盡○痕○脂○蘭○襲○襲○束○素○柳○絲○
絲○歌○到○有○情○帚○鬆○多○少○舞○餘○無○力○鞦○韆○褪○些○兒○幾回新
聲○度○嬌○眸○轉○依○約○如○有○微○詞○愁○煞○司○空○常○見○輕○簡○芳○姿○
誰○攜○來○繡○幙○鑪○煙○護○者○貯○將○金○屋○詩○卷○酬○之○只○怕○書○生○

分薄端又參差

王阮亭云神光離合乍陰乍陽

弟其年云緻膩秀貼仍是韋相牛給事一流人語固非秦七黃九所可到

席上

歡場多少憶難忘。得舞艷與歌香。記雲影細沉脂檀微。辨風絲輕貼絳白。相將曾賒取酒城天。不曉詞陣字俱。雙末利露胎涼過晚。髻夫容霞纈水剪秋睂。而今拋棄也。廿年裏儘教著意。郎當那更個人無賴。逗起愁腸。正金釵已溜。花無管束。錦襴欲褪。月有半章。又是彌天。

恨緒大費商量

王西樵云紙上讀之猶覺綺麗難忘况復歡塲身歷。絳白相將四字說舞尤妙。備長能云獨兒撼起鍾聲動二十年前曉寺情故自難為懷也。

沁園春

客中將發

行路徒嗟歸與難。賦此去何之。憶窻櫺側畔。梅花已雪。闌干左右。楊柳堪絲。數幅爐霞。滿牀書卷。魂夢安排。在幾時。還自笑。總閒拋好月。空負新詩。如今喚醒相思。切莫要燈前唱舊詞。儘冷雪一肩寶刀。尺尺煖雲千里。

美酒卮卮竹杖携將芒鞋踏遍山水風流十萬貫春遊
飽再茅檐故國坐老于斯

宋荔裳云儘冷雪以下十句
作一氣讀看他是何等腕力
杜茶村云不顛不癡半啼
半笑繪出我輩一種心情

浣手繡觀音

帶露拈花迎涼支鏡日影纔升看爭奇梳插萬千縉直
斬新裁剪四五銖輕一朶楊枝半天鸚鵡舊向慈悲記
許曾紗窓下理青絲三尺水月泓澄金針拈處盈盈
頻盥手金盆纖指擎願石麟佛許宜男入夢並頭蓮證

再世同盟淨室皈依名香供養三月持齋特記清郎癡

絕偏俚人憨謔昨夜虔誠俗持觀音齋者
以正五九月

王西樵云一題有一題配搭景色所謂題之
前後左右也試看帶露拈花以下七句自知
弟其年云其波折處有龍門章法在其頓挫處有
杜陵字法在孰為詞為小道哉小兒不得無禮

同女伴互道小名

繡帖鍼慵篆篝煙膩春困瞢騰恰踏青姊妹歸來鬪茗
學書隣女央與調笙並影生憐偷閒覓會總把風流各
自矜嬉遊罷更量鞋比髻一樣心情相攜坐近紅橋
把乳字和伊叫一聲笑夢中忺應曾聞郎喚簾前低說

生○怕○人○聽○阿○姊○頻○催○小○姑○偏○澁○吐○向○唇○邊○已○面○頰○重○相○
問○莫○他○時○權○會○叫○出○還○生○

王阮亭云前段好排當是養局處夢中四語直是人神

董文友云可補人朱鳥逸史

裁白紵作春衫

較○量○寒○消○排○當○花○了○恰○值○清○閒○已○携○將○小○妹○繡○翻○異○本○
教○他○雛○婢○香○揀○深○斑○重○幙○須○褰○脫○綿○正○可○莫○任○春○光○漸○
漸○闌○紅○瓊○列○早○龍○珠○麟○首○金○粟○同○安○ 哀○牢○細○織○蘭○干○
慢○剪○破○秋○江○浪○幾○灣○任○退○紅○水○碧○都○嫌○色○膩○輕○容○方○日○

且○放○紗○單○一○抹○雙○心○兩○當○八○撮○曾○入○詩○人○體○貼○間○裁○縫○

就○正○佳○人○麗○服○風○日○躋○攀○ 潘炕姬解愁有雙龍奪珠之剪姚月華熨斗名麟首金粟

尺名後漢書哀牢夷蘭干細布注云蘭干紵也輕容方目俱紗各一抹二句出王筠裁衣曲

王西樵云如麻姑仙衣似霞非霞似霧非霧揀料尤種種珍絕三首又此為第一矣

史赤豹云一幅古錦裙又復一盤鮫人淚也香細處真令人欲絕

美人背

乍○試○春○衫○問○人○宜○稱○側○轉○腰○身○怕○油○侵○燕○尾○承○雲○樣○巧○
釵○盤○鴟○翅○半○臂○紅○湮○羞○際○難○回○嗔○時○別○坐○輕○拍○頻○摩○要○
倍○溫○窺○私○浴○見○膚○光○占○燭○面○覷○無○因○ 內○人○破○睡○傷○春○

向。周。昉。圖。中。寫。欠。伸。記。被。池。寒。入。姝。句。牢。擁。枕。稜。香。逼。
郎。手。時。循。下。砌。尋。花。入。簾。避。客。去。處。風。流。一。樣。勻。橫。陳。
夜。羨。築。脂。刻。玉。方。後。尤。珍。
承雲衣領名占燭合德事周昉有背面內人欠伸圖規前

方後秘
辛語

弟其年云題最難著筆却語語
典雅語語移不動絕作絕作

美人句

桂。領。低。分。襦。襟。鬆。解。薜。澤。微。微。有。阿。婆。憐。重。麝。檀。幼。啗。
郎。君。情。泥。輔。體。交。靡。文。卸。都。弛。紅。紗。不。隱。貼。向。人。懷。選。
夢。宜。相。思。結。問。貯。來。多。少。中。款。無。疑。
仙。娥。寶。祿。尤。奇。

試。束。與。歡。身。疾。頓。離。况。酥。融。脂。凝。寒。堪。暖。手。花。嬉。玉。樂。
席。號。香。肌。菽。乳。微。捫。蕙。心。同。捧。玉。燕。曾。教。夢。裏。攜。蓮。花。
帶。偶。赤。珠。夜。繫。爭。訝。朝。暉。
款中散姚月華事實祿謝長裾事蓮花帶吳絳仙事
王西樵云此題得貼向人懷選夢宜七
字所謂探驪得珠他人無處措手矣

題其年烏絲集

此。日。相。逢。文。選。樓。頭。璫。花。榭。邊。有。累。朝。麗。句。舊。傳。鄴。架。
一。枝。仙。蕊。獨。種。藍。田。詩。正。而。葩。玉。温。而。栗。幻。作。髯。之。絕。
妙。篇。人。還。羨。讀。元。龍。湖。海。百。尺。高。舉。風。流。絕。處。能。傳。
看。寫。向。烏。絲。字。字。妍。見。紅。牙。度。者。又。名。玉。樹。綠。腰。譜。了。

不讓金荃多少才人百千聲調屈指能爭幾箇先雲郎
道是兒家捧硯染作雲煙

季希韓云字字側
艷結句尤是實錄

送沈方鄴歸宣城兼示蔣大鴻

句宛溪聲敬亭山色近復佳麼記秋深楓槲芒屨遍踏
春先梅柳藤杖頻過懷謝空存玉笙重到此日人間感
慨多還堪笑是君來邗上一樣蹉跎繁華久已消磨
只些小紅橋寄咏歌賴群公高唱特開風景妖姬小曲
為點煙波語笑方酣離情又起短髻看來黑幾何君行

矣向蔣生傳語蚤整歸舸

謝懷閣沈公級讀書處王氏
玉笙園在其側余甲申寓也

乙巳丙午
又寓此

王西樵云紅橋賴我輩
傳此語殊非高自標置

春風袅娜

壽西樵司勳同果菴梅岑方石瑤田賦

世間閒日月甚處能長碁半局海生霜醉山公偏記釀
王事業小槽紅滴就臥何妨推枕聞炊結茅量芻屏當
精廬花正忙仙格中人故超詣風塵外物自清章却
憶揚州煙景客懷無那安排向春海茫茫歌甲細領巾

香宜餐秀色。合付王昌看。欲笑時閒情。體貼正無人處。
密意商量。蓬壺非遠。便雙成。瑤闕酒粘花。壓應也相當。

王西樵云無復壽詞套數仙格中人十四字僕不敢當還以贊散木之詞○推枕二語字字推敲弟其年云染墨摘句其冷如雲其細如髮其香如蘭阿兄固不易火攻

白苧

贈階前老少年

小屏中覺布被微涼。浙浙紙窻未啓。早見晴光窺隙。却
原來西風一夜吹空碧。花草悅新秋。總淨葉柔枝。懽適
切切吟蟲吟。而清而不激。有感慨之人。無語當階立。

深惜盈階秋意。染絳勻黃。供人鑒賞。博个少年相識。誰
知道已把壯時虛擲。如今老大纔和秋海棠。一般裝飾。
只有霜深那時。楓葉知他踪跡。多少閒愁。除酒難消得。

王西樵云其讀之令人失笑處當與退之毛穎傳同觀孫介夫云門前冷落車馬稀老大嫁作商人婦與此同一悲慨正不止宋玉口多微詞也

蘭陵王

憶舊

晚潮急堆起。淒涼萬尺。人何處。曾憶往年。謾把歡娛付。
輕擲。如今空恨積。無計迴腸。熨直單消。受零怨碎愁。只

似蛛絲費空織。休提舊消息。已衾涼蘭吹徑。迷蓮跡。
輕風涼月秋衫碧。記柔調歌板。細拈牌葉。斷魂都盡。總
值得也。拚到今日。悲憶頓成昔。怎悄意如鐫。芳踪難
覓。連天野草天無極。料不許絲斷後。還重緝。除非來夢。
夢兒裏。問他真實。

宗梅岑云往事
空成半醉來

大酺

寄友

簡點征衫。秋風裏。老了幾多行客。江頭鴻鴈起。聽一聲

哀怨。蓼花都白。香冷衾絲。夢縈衫帶。粘得柔腸窄窄。愁
魂無可寄。覓醉鄉。深處暫尋家宅。奈消恨無方。刪情不
盡。最難安拍。前時明月色。單一味。慘淡和蕭瑟。偏又
向枕函偷覷。屋角輕移。等閒間。傷人心魄。別緒嗟匆迫。
歡娛事。杳然如隔。料伊處。情難劈。更闌月轉。陡地風驚。
簾額夜情。怎生捉搦。

王西樵云讀江頭三句覺蓼花亦多
愁善怨。末語雖悄然却驚心動魄

多麗

冬日敬亭讌集止宿

試放眼此地名山多少。儘古今酒徒詞客。奇懷著意搜
討。倚高樓無言靜對。伴孤雲看盡飛鳥。落照金波初
暝。翠霧一彈指。頃人間昏曉。起高歌四山響。徹葉下寒林
悄。休回首青蓮陳跡。余懷凄渺。嘆醉裏江山還大醒
來。天地都小便。乞向青山埋骨。不足以娛吾身。老且與
諸公同傾酒。酸樂遊毋負風光好。下山路冷雲斜日。十
里田間。遶偶然事。使後來人羨此鴻爪。

王阮亭云。骯髒多奇。看其自負非淺。唐畊塢云。骯髒語難得如此細膩。是以周柳心情為辛劉格調者。

稍遍 用東坡春情體 作哨非

次董文友韻送孫無言歸黃山

洞裏百花洞外錦霞。採藥真生計。便千年高臥翠微中。
再相傳桃源天地。石方床。蘧蘧睡足。松泉互引。不曉紅
塵世。任道述黃農。教通樓導。真人大笑不已。却俗緣未
了。復驅饑况。嫁娶都完。更為誰編草。為裳披髮。自覆先
生倦矣。自初向塵中著脚。曾與青松誓。困芒鞋也。懷
猿憶鶴。豈無淚千里。鈿出煙雲飄渺。容成去後。無碑
記。六六奇峰洞天三八年來。直西南視。已擔頭卷軸。足

堪清憇。笑竹裏高人總好名。屹然箕踞何庸避。從今脩
 脩徑往。酌水餐松子。遙聽半嶺。嗒然振響。異哉嘯兮處。
 士。霎時黃海湧。波濤。但漫天雲蒸霞起。
 百花錦霞黃山。二洞名述黃農。

之道棲神導氣編草披
 髮屹然箕踞俱孫登事

董文友云於此道中可謂千巖競秀

萬壑爭流令人有應接不暇之嘆

黃雲孫云盤旋作渾脫舞又如與帛

道猷孫登諸人談眉目間都有異



